

**ხელშეკრულება სახელმწიფო შესყიდვების შესახებ**  
**ხელშეკრულება Nsშ/14-047**

ქ. ბათუმი

13 მარტი 2014 წელი

ერთის მხრივ შპს „სანდასუფთავება“ (შემდგომში „შემსყიდველი“) წარმოდგენილი მისი დირექტორის დავით ასამბაძის სახით და მეორეს მხრივ, შპს „თურქერ მაქინა TURKER MAKINA“ (შემდგომში „მიმწოდებელი“), წარმოდგენილი დირექტორის მექმეთ თურქერის მინდობილი პირის, მერეჯერის კახაბერ მემიშიშის სახით, სახელმწიფო შესყიდვების სააგენტოს თავმჯდომარის, 2011 წლის 07 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-3 მუხლის, 1-ლი პუნქტის „ა“ ქვეპუნქტის შესაბამისად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

**1. ხელშეკრულების საგანი**

1.1. ხელშეკრულების საგანს წარმოადგენს შემსყიდველისათვის 1 ერთეული წყლის მოტოპომპის, 5 მ. შემწოვი შლანგის, 15 მ. გამსვლელი შლანგისა და 2 ერთეული ხამუტის (შემდგომში-საქონელი) მოწოდება.

კლასიფიკატორი – CPV 42122130

**2. ხელშეკრულების ღირებულება**

2.1. ა) 1 ცალი წყლის პომპის ღირებულებაა ღირებულებაა 780 ლარი.  
ბ) 1 მ. შემწოვი შლანგის ღირებულებაა 35 ლარი, შესაბამისად 5 მ. შლანგის ღირებულება შეადგენს 175 ლარს.

გ) 1 მ. გამსვლელი შლანგის ღირებულებაა 13 ლარი, შესაბამისად 15 მ. გამსვლელი შლანგის ღირებულება შეადგენს 195 ლარს.

დ) 1 ცალი ხამუტის ღირებულებაა 3 ლარი, შესაბამისად 2 ცალი ხამუტის ღირებულება შეადგენს 6 ლარს.

2.2. ხელშეკრულების ჯამური ღირებულება შეადგენს 1156 (ერთი ათას ას ორმოცდათექვსმეტი) ლარს.

2.3. ხელშეკრულების ჯამური ღირებულება მოიცავს დღგ-სა და ხელშეკრულებით გათვალისწინებული საქონლის შესყიდვასთან და თანმდევი მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

**3. ანგარიშსწორების ფორმა და ვადები**

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში, საგადასახადო ანგარიშ-ფაქტურის წარმოდგენიდან (არსებობის შემთხვევაში) და მიღება-ჩაბარების აქტის მხარეთა მიერ ხელმოწერიდან 1 (ერთი) საბანკო დღის განმავლობაში.

**4. შესყიდვის ობიექტის მიღება-ჩაბარების წესი**

4.1. შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.  
4.2. შემსყიდველის მხრიდან საქონლის მიღება-ჩაბარებაზე უფლებამოსილი პირია შპს „სანდასუფთავების“ საწყობის უფროსი.

**5. მხარეთა უფლება-მოვალეობები**

5.1. მიმწოდებელი ვალდებულია ხელშეკრულების გაფორმებიდან არაუმტეს 2 დღის ვადაში განახორციელოს ხელშეკრულებით გათვალისწინებული საქონლის მიწოდება.

5.2. მიმწოდებელი პასუხისმგებელია მიწოდებული საქონლის და მისი თანმდევი მომსახურების ხარისხსა და დროულობაზე.

5.3. შემსყიდველი ვალდებულია მიმწოდებლის მიერ ხელშეკრულებით ნაკისრი ვალდებულების სრულად და ჯეროვნად შესრულების შემთხვევაში აუნაზღაუროს მას მიწოდებული საქონლის ღირებულება.

**6. ხელშეკრულებაში ცვლილებების შეტანა**

6.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

6.2. თუ რაიმე წინასწარ გაუთვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

6.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

6.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 7. ხელშეკრულების პირობების შეუსრულებლობა

- 7.1. დაუძლეველი მალის პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო საწყისი, ყოველ ვადაგადაცილებულ დღეზე ხელშეკრულების საერთო ღირებულების 0.1 % ოდენობით.
- 7.2. თუ პირგასამტებლის მთლიანი ჯამი გადააჭარბებს ხელშეკრულების საერთო ღირებულების 3 %-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 7.3. საჯარიმო საწყისი გადახდა არ ათავისუფლებს მიმწოდებელს მირითადი ვალდებულებების შესრულებისაგან.

## 8. დაუძლეველი ძალა

- 8.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 8.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 8.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

## 9. სადაო საკითხების გადაწყვეტა

- 9.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 9.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, წებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არის გათვალისწინებული.

## 10. გამოყენებული სამართალი

- 10.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 11. ხელშეკრულების ენა

- 11.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზომპლიარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტის. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

## 12. ხელშეკრულების მოქმედების ვადა

- 12.1. ხელშეკრულება ძალაში შედის თავში მითითებული თარიღიდან და მოქმედებს 2014 წლის 30 მარტის ჩათვლით.

### შემსყიდველი:

შპს „სანდასუფთავება“  
მის: ქ. ბათუმი,  
ჯავახიშვილის ქუჩა #55  
ს/კოდი 245548153  
სს „ლიბერთი ბანკი“  
ბ/კოდი: LBRTGE22  
ა/ა GE14LB0610005734020009

### მიმწოდებელი:

შპს „თურქერ მაქინა TURKER MAKINA“  
მის: ბათუმი,  
პლაზინის ქუჩა #98  
ს/კოდი 445432283  
სს „თიბისი ბანკი“  
ბ/კოდი: TBCBGE22  
ა/ა GE10TB7174836080100001

### შპს „სანდასუფთავება“



### შპს „თურქერ მაქინა TURKER MAKINA“

